

NO KONTRAK:.....

PERJANJIAN PEROLEHAN ALAT TULIS
DI

ANTARA

KERAJAAN NEGERI SEMBILAN

DIWAKILI OLEH

.....

DAN

.....SDN. BHD

(NO. SYARIKAT :)

PPUUNS:

Sila pastikan No. Pendaftaran Syarikat adalah sama dengan no pendaftaran dengan Suruhanjaya Syarikat Malaysia (SSM)

PERJANJIAN ini dibuat padahari bulan.....tahun 20...

ANTARA

KERAJAAN NEGERI SEMBILAN DARUL KHUSUS yang bagi tujuan Perjanjian ini diwakili oleh yang beralamat di (“**Kerajaan**”) bagi satu pihak;

DAN

SYARIKAT (**No. Syarikat:**) sebuah syarikat yang diperbadankan di Malaysia di bawah Akta Syarikat 1965 [*Akta 125*] dan mempunyai pejabat berdaftar di (“**Syarikat**”) bagi pihak yang satu lagi. Kedua-dua Kerajaan dan Syarikat boleh dirujuk secara berasingan sebagai “**Pihak**” atau bersesama sebagai “**Pihak-Pihak**”.

BAHAWASANYA-

- A. Kerajaan telah melalui surat setuju terima (SST) Bil..... bertarikh bersetuju untuk melantik Syarikat untuk memberikan perkhidmatan membekal dan menghantar alat tulis mengikut jenis, kuantiti dan harga seperti di **Jadual 1** Perjanjian ini. Salinan Surat Setuju Terima adalah seperti di **Lampiran B**.
- B. Syarikat telah bersetuju untuk memberikan perkhidmatan tersebut tertakluk kepada terma-terma dan syarat-syarat yang dinyatakan dalam Perjanjian ini.

MAKA DENGAN INI ADALAH DIPERSETUJUI SEPERTI BERIKUT

1. DEFINISI DAN TAFSIRAN

1.1 DEFINISI

Bagi tujuan Perjanjian ini, istilah-istilah berikut hendaklah ditakrifkan sedemikian melainkan jika konteksnya menghendaki makna yang berlainan:

“Perkhidmatan”	ertinya perkhidmatan membekal dan menghantar alat tulis untuk kegunaan
“alat tulis”	ertinya alat tulis seperti yang diperihalkan di Jadual 1
“pesanan”	ertinya pesanan sebenar yang akan dibuat oleh Kerajaan terus kepada Syarikat atau wakil-wakil yang telah dilantik oleh Syarikat;
“Kawasan Perkhidmatan”	ertinya kawasan di mana Baja dan Bahan Pelengkap perlu dibekal dan diserahkan seperti yang dinyatakan di Jadual 2 .
‘penerimaan’	ertinya penerimaan barang-barang itu dalam tempoh (7) hari dari tarikh pesanan.
‘tarikh penerimaan’	ertinya hari di mana Kerajaan Negeri mengesahkan secara bertulis yang barang-barang itu diterima.
‘tarikh penghantaran’	ertinya tarikh penghantaran seperti yang dinyatakan dalam Klausula 9.1 .

1.2 TAFSIRAN

Melainkan jika dinyatakan sebaliknya, tafsiran di dalam Perjanjian ini adalah seperti berikut:

- (a) resital-resital, klausa-klausa, lampiran-lampiran dan apa-apa dokumen yang dirujuk di dalam Perjanjian ini hendaklah diambil kira, dibaca dan ditafsirkan sebagai sebahagian daripada Perjanjian ini;
- (b) perkataan yang membawa maksud satu adalah juga merujuk kepada jumlah majmuk dan juga sebaliknya;
- (c) perkataan-perkataan yang merujuk kepada orang perseorangan adalah juga merujuk kepada kumpulan perseorangan, syarikat, perbadanan, firma atau rakan kongsi sama ada diperbadankan ataupun tidak diperbadankan;
- (d) apa-apa perkataan atau ungkapan yang ditakrifkan dalam Perjanjian ini adalah juga termasuk olahan tatabahasa dan ungkapan perkataan yang ditakrifkan;
- (e) rujukan kepada klausa hendaklah bermaksud rujukan kepada klausa-klausa dalam Perjanjian ini;
- (f) perkataan “Perjanjian”, “Kontrak” atau perkataan lain yang sama hendaklah mengandungi klausa yang terkandung dalam Perjanjian ini dan termasuk apa-apa pindaan, perubahan, penambahan, atau modifikasi dan perjanjian tambahan secara bertulis padanya;
- (g) rujukan kepada undang-undang adalah termasuk peruntukan undang-undang yang telah dipinda, disemak, atau dicetak semula;

- (h) tajuk-tajuk dan juga tajuk-tajuk kecil kepada klausa-klausa dalam perjanjian ini adalah hanya untuk mempermudah rujukan sahaja dan tidak menjejaskan pentafsiran dan maksud ayat dalam Perjanjian ini;
- (i) apa-apa jadual, lampiran, dokumen, nota atau penerangan yang dirujuk dalam Perjanjian ini dan apa-apa pindaan, perubahan, penambahan atau modifikasi bertulis padanya hendaklah ditafsirkan dan dibaca sebagai sebahagian daripada Perjanjian ini;
- (j) semua rujukan terhadap hari, bulan atau tahun hendaklah termasuk hari dan waktu bekerja biasa Kerajaan, hari Sabtu dan Ahad dan hari kelepasan am Negeri-Negeri yang berkenaan melainkan dinyatakan sebaliknya atau sebagaimana yang dipersetujui secara bertulis oleh Kerajaan;
- (k) apa-apa syarat teknikal yang tidak ditariffkan secara khusus dalam Perjanjian ini hendaklah ditafsirkan menurut penggunaan atau definisi yang biasa diterima oleh mereka yang terlibat di dalam profesion ini di Malaysia;
- (l) apa-apa rujukan kepada kaedah secara bertulis atau notis adalah termasuk sebarang komunikasi yang dihantar secara pos berdaftar berbayar, kabel, transmisi faks, mel elektronik atau cara lain yang sama dengannya;
- (m) apa-apa rujukan kepada “kelulusan” atau “kebenaran” adalah bermaksud kelulusan atau kebenaran secara bertulis;
- (n) mana-mana rujukan kepada “hari”, “minggu”, “bulan” atau “tahun” adalah merupakan rujukan kepada hari, minggu, bulan atau tahun tersebut menurut kalendar Gregory;
- (o) sekiranya rujukan berkaitan dengan masa bagi sesuatu perbuatan yang harus dilakukan atau sesuatu persetujuan dicapai atau kebenaran

diberikan, rujukan tersebut harus dianggap dibaca bersama ungkapan tersebut atau mana-mana tempoh yang dipersetujui secara bertulis antara Pihak-Pihak dalam Perjanjian ini dari semasa ke semasa; dan

- (p) sebutan mengenai salah satu Pihak kepada Perjanjian ini atau mana-mana dokumen atau Perjanjian lain hendaklah termasuk penggantinya dan pemegang serah haknya yang dibenarkan.

2. TARIKH KUAT KUASA DAN TEMPOH KONTRAK

Perjanjian ini hendaklah berkuat kuasa bagi tempoh (.....) tahun iaitu mulai dan berakhir pada (kemudian daripada ini disebut sebagai “Tempoh Kontrak”).

PPUUNS:

Tarikh kuat kuasa kontrak (*effective date*) hendaklah sama dengan tarikh Surat Setuju Terima (SST) ditandatangani oleh Syarikat manakala tarikh perjanjian ialah tarikh perjanjian ditandatangani oleh kedua-dua pihak.

3. PELANJUTAN TEMPOH PERJANJIAN

- 3.1 Syarikat boleh memohon kepada Kerajaan untuk melanjutkan Tempoh Kontrak dengan membuat permohonan secara bertulis tidak kurang daripada tiga (3) bulan sebelum tamat Tempoh Kontrak jika Syarikat berniat untuk melanjutkan Tempoh Kontrak. Kerajaan mempunyai kuasa mutlak sama ada hendak mempertimbangkan permohonan tersebut atau sebaliknya.
- 3.2 Sekiranya Kerajaan bersetuju untuk melanjutkan Tempoh Kontrak, Pihak-Pihak hendaklah berunding dan memuktamadkan terma-terma dan syarat-syarat

pelanjutan tersebut tidak lewat dari satu (1) bulan sebelum tamatnya Tempoh Kontrak.

- 3.3 Sekiranya Pihak-Pihak gagal mencapai persetujuan mengenai pelanjutan tersebut, Perjanjian ini akan dengan sendirinya tamat selepas tamatnya Tempoh Kontrak.

4. SKOP PERJANJIAN

Syarikat bersetuju untuk memberikan perkhidmatan membekal dan menghantar alat tulis mengikut spesifikasi yang dinyatakan dalam **Jadual 1**.

5. NILAI PERJANJIAN

- 5.1 Tertakluk kepada pematuhan Syarikat terhadap terma-terma dan syarat dalam Perjanjian ini, Kerajaan hendaklah membayar kepada Syarikat jumlah harga alat tulis yang dibekalkan mengikut jadual harga seperti dalam **Jadual 3**.
- 5.2 Nilai harga alat tulis yang dinyatakan dalam **Klausu 5.1** adalah tetap dan apa-apa permohonan bagi tujuan kenaikan harga atau lain-lain tuntutan oleh Syarikat tidak akan dibenarkan melainkan dipersetujui sebaliknya oleh Kerajaan melalui pindaan kepada Perjanjian ini.
- 5.3 Kerajaan tidak terikat untuk membuat pesanan untuk berdasarkan kepada kuantiti alat tulis seperti yang dinyatakan dalam **Jadual 1**. Kerajaan berhak untuk membuat pesanan untuk sebahagian daripada kuantiti.
- 5.4 Harga alat tulis yang dinyatakan dalam **Jadual 3** hendaklah termasuk segala kos penghantaran dan cukai-cukai yang berkaitan bagi maksud pelaksanaan Perkhidmatan.

6. PEMBAYARAN

6.1 Tertakluk kepada pematuhan Syarikat terhadap syarat-syarat dan terma-terma Perjanjian ini, Kerajaan hendaklah membuat pembayaran kepada Syarikat mengikut kuantiti alat tulis yang diterima pada setiap kali Perkhidmatan dilaksanakan berdasarkan kepada Jadual Harga seperti yang diperincikan dalam **Jadual 2**.

6.2 Tertakluk kepada tolakan di bawah **Klausula 23** dan klausa-klausa yang terpakai dalam Perjanjian ini, pembayaran menurut **Klausula 6** hendaklah dibuat oleh Kerajaan dalam tempoh empat belas (14) hari dari tarikh penerimaan invois cukai serta dokumen lengkap daripada Syarikat tertakluk kepada Kerajaan telah berpuas hati dengan pelaksanaan Perkhidmatan oleh Syarikat

6.3 Syarikat hendaklah mengemukakan salinan invois lengkap bersama dokumen yang berkaitan bagi setiap pembayaran kepada:

.....

.....

.....

6.4 Pembayaran kepada Syarikat hendaklah tidak dianggap sebagai perakuan bahawa Perkhidmatan tersebut adalah mengikut kuantiti alat tulis yang dikehendaki oleh Kerajaan. Apa-apa bayaran yang dibuat Kerajaan tidak melepaskan Syarikat daripada melaksanakan obligasi yang diperuntukan dalam Perjanjian ini.

7. BON PELAKSANAAN

7.1. Tanggungjawab Menyerahkan Bon Pelaksanaan

Syarikat hendaklah memastikan Bon Pelaksanaan dalam bentuk sebagaimana yang dilampirkan dalam **Jadual 2** telah diserahkan kepada Kerajaan semasa menandatangani Perjanjian ini bagi menjamin pelaksanaan obligasi-obligasi Syarikat di bawah Perjanjian ini.

7.2. Syarat-syarat Bon Pelaksanaan

7.2.1. Syarikat hendaklah menyerahkan Bon Pelaksanaan pada kadar..... peratus (.....%) [2.5% atau 5%] daripada Anggaran Nilai Perjanjian setahun sebanyak RM..... sahaja.

PPUUNS:

Kadar bon pelaksanaan yang perlu diserahkan oleh Syarikat adalah seperti berikut (a) 2.5% bagi kontrak perkhidmatan dengan nilai perjanjian untuk tempoh setahun kurang daripada RM500,000; dan (b) 5.0% bagi kontrak perkhidmatan dengan nilai perjanjian setahun lebih daripada RM500,000.

7.2.2. Nilai Bon Pelaksanaan hendaklah pada setiap masa tidak kurang daripada nilai yang diperuntukkan di dalam **Klausu 7.2.1**.

7.2.3. Bon Pelaksanaan hendaklah sah laku dari tarikh ia dikeluarkan sehingga tempoh dua belas (12) bulan selepas tamatnya Tempoh Perjanjian.

7.2.4. Walau apa pun terkandung di dalam Perjanjian ini, Kerajaan berhak untuk membuat tuntutan terhadap keseluruhan atau sebahagian daripada Bon Pelaksanaan jika Syarikat gagal melaksanakan obligasi di bawah

Perjanjian ini atau jika memungkiri apa-apa terma atau syarat dalam Perjanjian ini tanpa menjejaskan hak Kerajaan untuk mengambil tindakan undang-undang yang lain.

7.3. Bon Pelaksanaan Tambahan

Sekiranya tuntutan dibuat oleh Kerajaan di bawah Bon Pelaksanaan ini yang menyebabkan jumlah Bon Pelaksanaan tersebut berkurangan daripada jumlah yang dinyatakan dalam **Klausu 7.2.1**, Syarikat hendaklah menyerahkan suatu bon pelaksanaan tambahan kepada Kerajaan mengikut **Klausu 7.2** di mana Kerajaan hendaklah memegang suatu bon atau bon-bon pelaksanaan yang mempunyai agregat tidak kurang daripada Ringgit.....(RM.....) pada setiap masa.

7.4. Bon Pelaksanaan Lanjutan

Sekiranya tempoh sah laku Bon Pelaksanaan yang dinyatakan di **Klausu 7.2.1** akan luput, Syarikat hendaklah menyerahkan bon pelaksanaan yang baharu sebelum atau pada tarikh luput tempoh sah laku Bon Pelaksanaan tersebut dengan nilai yang sama dengan jumlah bon pelaksanaan yang akan luput.

PPUUNS:

Klausu Bon Pelaksanaan ini hanya perlu dimasukkan sekiranya nilai perjanjian untuk setahun melebihi RM200,000. Sekiranya nilai perjanjian untuk setahun kurang daripada RM200,000 klausu ini tidak perlu dimasukkan dalam perjanjian.

8. PESANAN ALAT TULIS

8.1 Pesanan untuk pembekalan alat tulis hendaklah dibuat oleh Kerajaan kepada Syarikat atau wakil-wakil yang telah dilantik oleh Syarikat secara bertulis. Pesanan yang dibuat hendaklah secara rasmi menggunakan Pesanan Tempatan.

- 8.2 Kerajaan tidak terikat untuk membuat pesanan berdasarkan kuantiti dan jenis alat tulis seperti yang diperihalkan di **Jadual 1**.
- 8.3 Selain daripada anggaran kuantiti seperti yang dinyatakan di **Jadual 1**, Syarikat dengan ini bersetuju untuk membekalkan alat tulis dalam kuantiti tambahan sekiranya dikehendaki oleh Kerajaan.

9. PEMBEKALAN DAN PENGHANTARAN ALAT TULIS

- 9.1 Syarikat hendaklah membekal dan menghantar alat tulis mengikut jumlah dan jenis pesanan ke tempat yang telah ditetapkan oleh Kerajaan dalam tempohhari dari tarikh Pesanan Tempatan dikeluarkan (selepas dari ini disebut 'Tempoh Penghantaran').
- 9.2 Sebarang lanjutan berkenaan Tempoh Penghantaran hendaklah dipersetujui oleh Pihak-Pihak.
- 9.3 Sekiranya Syarikat gagal untuk menyerahkan alat tulis dalam Tempoh Penghantaran, Kerajaan berhak mengenakan bayaran penalti sebanyak peratus (.....%) daripada nilai harga semasa Pesanan Tempatan itu bagi setiap kelewatan sebagai pampasan kepada Kerajaan.
- 9.4 Syarikat hendaklah mengemukakan sekurang-kurangnya dua (2) salinan surat penyerahan setiap kali Perkhidmatan dilaksanakan dan apabila Perkhidmatan tersebut diterima oleh Kerajaan, satu salinan surat penyerahan tersebut hendaklah ditandatangani oleh Kerajaan sebagai bukti penerimaan Perkhidmatan dan satu (1) salinan lagi hendaklah dikembalikan kepada Syarikat.
- 9.5 Syarikat hendaklah memberi perakuan bertulis bahawa alat tulis yang dibekalkan adalah merupakan barang yang tulen dan tidak kurang mutunya dari segi kualitinya dan spesifikasi seperti yang diperincikan dalam **Jadual 1**.

- 9.6 Syarikat hendaklah membekalkan kepada Kerajaan contoh alat tulis yang akan dibekalkan kepada Kerajaan tanpa sebarang kos untuk diuji sekiranya diminta untuk berbuat demikian.

10. PERUBAHAN SPESIFIKASI

- 10.1 Kerajaan berhak mengubah dari masa ke semasa spesifikasi-spesifikasi yang terkandung di **Jadual 1** mengikut keperluan Kerajaan.
- 10.2 Sekiranya perubahan tersebut telah menyebabkan berlakunya perubahan kepada kos pengeluaran dan tempoh penghantaran maka persetujuan daripada kedua-dua pihak perlulah diperoleh terlebih dahulu sebelum perubahan tersebut boleh dilaksanakan.
- 10.3 Sekiranya perubahan spesifikasi dipersetujui oleh Pihak-Pihak, maka mulai dari tarikh persetujuan, Syarikat hendaklah membekalkan alat tulis mengikut spesifikasi baru.

11. PENERIMAAN BERSYARAT

Walaupun bekalan alat tulis telah diterima, Kerajaan adalah sentiasa berhak untuk menolak semua bekalan sekiranya bekalan alat tulis yang diterima tidak menepati standard kualiti dan spesifikasi seperti yang ditetapkan dalam **Jadual 1**.

12. HAK KERAJAAN APABILA ALAT TULIS YANG DIBEKALKAN ROSAK ATAU RENDAH KUALITI

- 12.1 Tanpa memprejudiskan hak-hak lain Kerajaan di bawah Perjanjian ini, sekiranya Syarikat gagal membekalkan Perkhidmatan mengikut spesifikasi seperti yang diperincikan dalam **Jadual 1**, Kerajaan berhak untuk:
- (a) menolak alat tulis yang dibekalkan dan menamatkan Perjanjian ini; atau

- (b) menolak alat tulis yang dibekalkan dan meminta Syarikat menggantikan bekalan alat tulis yang rosak dengan bekalan baru yang mana penggantian tersebut hendaklah diserahkan kepada Kerajaan dalam tempoh satu (1) minggu dari tarikh penolakan. Sekiranya, Syarikat gagal untuk menyerahkan gantian alat tulis tersebut dalam tempoh yang ditetapkan, Kerajaan berhak mendapatkan alat tulis yang dipesan itu daripada sumber lain dan segala perbelanjaan yang terpaksa ditanggung oleh Kerajaan hendaklah dibayar semula (*reimbursed*) oleh Syarikat.

13. HAK KERAJAAN APABILA ALAT TULIS LEWAT DISERAHKAN.

13.1 Sekiranya Syarikat lewat menyerahkan alat tulis mengikut kuantiti yang dipesan, Kerajaan berhak:

- (a) menamatkan Perjanjian dan menuntut gantirugi ke atas apa-apa kerugian yang dialami dan ditanggung oleh Kerajaan akibat daripada penamatan tersebut atas alasan Syarikat telah gagal untuk memberikan perkhidmatan dengan sempurna dan memuaskan hati Kerajaan;
- (b) membatalkan atau menolak pesanan dan membuat pembelian daripada punca lain. Segala kos pembelian yang dibuat oleh Kerajaan daripada punca lain hendaklah ditanggung sepenuhnya oleh Syarikat;
- (c) menerima bekalan yang lewat diserahkan namun Syarikat dikehendaki untuk membayar kepada Kerajaan satu amaun sebanyak Peratus (...%) daripada nilai pesanan sebagai pampasan kepada Kerajaan.

14. HAK KERAJAAN APABILA ALAT TULIS TIDAK DISERAH SEPENUHNYA

14.1 Apabila Syarikat gagal untuk menyerahkan dengan sepenuhnya bekalan alat tulis seperti yang dipesan, Kerajaan sentiasa berhak untuk:

- (a) menerima bekalan alat tulis yang telah diserahkan dan Syarikat hendaklah membayar kepada Kerajaan satu amaun sebanyakperatus (....%) daripada nilai bekalan yang masih belum diserahkan sebagai pampasan kepada Kerajaan;
- (b) menerima bekalan alat tulis yang telah diserahkan dan mendapatkan baki bekalan daripada punca lain. Segala kos pembelian daripada punca lain hendaklah ditanggung sepenuhnya oleh Syarikat.

15. HAK KERAJAAN APABILA BEKALAN TIDAK DISERAHKAN

Dalam keadaan di mana Syarikat gagal untuk menyerahkan bekalan, Kerajaan boleh menamatkan Perjanjian ini mengikut **Klausu 24** dan Syarikat hendaklah membayar kepada Kerajaan satu amaun pada kadar harga penuh pesanan sebagai pampasan kepada Kerajaan.

16. PAMPASAN BAGI PEMBELIAN DARI PUNCA LAIN

Dalam keadaan di mana Kerajaan terpaksa membeli bekalan alat tulis daripada punca lain sepertimana yang dinyatakan dalam **Klausu 12.1(b)**, **Klausu 13.1(b)** dan **Klausu 14.1(b)** Kerajaan boleh selain daripada apa-apa tuntutan yang berhak di bawah Perjanjian ini, membuat tuntutan yang jumlahnya tidak lebihperatus (....%) daripada nilai pesan sebagai pampasan kepada Kerajaan.

17. PENGALIHAN BEKALAN BAJA DAN BAHAN PELENGKAP

Sekiranya Kerajaan menolak penghantaran alat tulis seperti yang diperuntukan dalam **Klausu 12.1** dan **Klausu 13.1(b)**, Syarikat hendaklah mengalihkan alat tulis yang telah dibekalkan tersebut dalam tempoh masa satu (1) minggu dari tarikh penghantaran. Sekiranya Syarikat gagal mengalihkan barang-barang tersebut dalam tempoh masa yang ditetapkan, Kerajaan berhak mengalihkan barang-

barang tersebut dan segala kos yang terlibat dengan pengalihan tersebut hendaklah ditanggung sepenuhnya oleh Syarikat.

18. OBLIGASI SYARIKAT

18.1 Syarikat bersetuju dengan Kerajaan seperti yang berikut:

- (a) membekal dan menghantar alat tulis mengikut kuantiti dan spesifikasi seperti yang diperuntukkan di dalam **Jadual 1** Perjanjian ini;
- (b) memastikan tenaga kerja dan stok alat tulis adalah mencukupi seperti yang diperlukan oleh Kerajaan;
- (c) memastikan alat tulis tersebut disimpan dan dijaga supaya tidak rosak. Semua kos penyimpanan hendaklah ditanggung sepenuhnya oleh Syarikat;
- (d) memastikan alat tulis dibekalkan mengikut kuantiti, spesifikasi dan harga serta dihantar ke tempat yang diarahkan mengikut tempoh masa seperti yang ditetapkan oleh Kerajaan Negeri seperti di **Jadual 2**;
- (e) membenarkan mana-mana pegawai yang diberi kuasa oleh Kerajaan memeriksa dan membuat lawatan di tempat simpanan alat tulis;
- (f) melantik seorang Penyelia bagi mengawasi pelaksanaan Perkhidmatan sepanjang Tempoh Perjanjian;
- (g) bertanggungjawab untuk membayar apa-apa bayaran bagi kerosakan dan/atau ganti rugi terhadap apa-apa tuntutan yang dikemukakan terhadap Kerajaan sama ada tuntutan tersebut dibuat secara langsung ataupun tidak langsung akibat daripada apa-apa tindakan kesan daripada kelalaian, kegagalan dan ketinggalan oleh pihak Syarikat, Pekerja atau ejen Syarikat

tersebut dan/atau pada mana-mana pihak yang bertindak bagi pihak Syarikat;

19. INSURANS

- 19.1 Syarikat hendaklah mengambil dan menyelenggara dalam Tempoh Perjanjian ini suatu Polisi Insurans Tanggungan Awam dan Polisi Insurans Kerja bagi melindungi keselamatan setiap pekerja dan stok alat tulis tersebut daripada sebarang kecederaan, kerosakan, dan kehilangan sebagaimana yang dikehendaki di bawah undang-undang Malaysia.
- 19.2 Apa-apa insurans yang diambil oleh Syarikat hendaklah diambil dengan kos ditanggung oleh Syarikat.

20. KESELAMATAN DAN KERAHSIAAN

- 20.1 Dalam menjalankan Perkhidmatan, Syarikat –
- (i) tidak boleh menggunakan kebenaran yang diberikan kepadanya untuk memberi Perkhidmatan bagi mendapatkan sesuatu benda, dokumen, suratan atau maklumat rasmi yang berkaitan dengan tugas atau tempat ia ditugaskan;
 - (i) hendaklah mengawal dan menjaga keselamatan atau kerahsiaan benda, dokumen, suratan atau maklumat rasmi itu yang diperolehi;
 - (ii) tidak boleh membantu atau membenarkan seseorang lain memiliki apa-apa benda, dokumen, suratan atau maklumat rasmi yang berkaitan dengan tugas atau tempat di mana ia ditugaskan;
 - (iv) hendaklah menyerahkannya dengan serta-merta kepada Pengawal Keselamatan atau mana-mana pegawai awam yang bertugas di

..... jika ia memperolehi atau memiliki sesuatu benda, dokumen, suratan atau maklumat rasmi sama ada dengan menjumpainya atau dengan apa cara sekalipun;

- (v) tidak boleh memiliki sesuatu anak kunci, lencana, alat, acuan, meteri atau cop yang berkaitan dengan tempat di mana Perkhidmatan telah, sedang dan akan dibuat; dan
- (vi) hendaklah melaporkannya dengan segera kepada seorang pegawai polis berpangkat tidak rendah daripada pangkat Inspektor jika dihampiri oleh seorang yang lain sama ada secara langsung atau tidak langsung dengan tujuan mendapatkan sesuatu benda, dokumen, suratan atau maklumat rasmi yang berkaitan dengan pejabat atau tempat ia ditugaskan.

20.2 Kegagalan Syarikat mematuhi peruntukan-peruntukan di bawah **Klausula 20.1** terjemlah sebagai suatu kesalahan di bawah Akta Rahsia Rasmi 1972 [Akta 88] dan dengan ini akan sentiasa memberikan hak kepada Kerajaan untuk menamatkan Perjanjian ini dan mendapatkan kembali daripada Syarikat jumlah sebarang kerugian yang timbul akibat daripada penamatan itu.

21. REPRESENTASI DAN WARANTI

21.1. Syarikat dengan ini membuat representasi dan waranti kepada Kerajaan bahawa:

- (a) ia adalah sebuah syarikat yang berdaftar di bawah undang-undang Malaysia yang berkuat kuasa;
- (b) ia mempunyai kuasa untuk membuat Perjanjian ini dan melaksanakan tanggungjawab serta urusan di bawah Perjanjian ini;

- (c) ia telah mengambil segala langkah-langkah yang perlu bagi membuat dan melaksanakan tanggungjawab serta urusan di bawah Perjanjian ini;
- (d) pelaksanaan Perjanjian ini tidak menyalahi sebarang peruntukan sama ada dalam:
 - (i) Memorandum dan Artikel Persatuannya; atau
 - (ii) mana-mana dokumen atau perjanjian yang mengikatnya atau asetnya;
- (e) ia adalah sebuah Syarikat yang berdaftar pada setiap masa dengan Kementerian Kewangan melainkan diberikan pengecualian secara bertulis oleh Kerajaan;
- (h) tiada sebarang litigasi, tuntutan cukai, timbang tara, pertikaian atau prosiding yang sedang atau akan berlangsung yang pada pengetahuannya akan memberi kesan negatif terhadap keupayaan kewangan atau tanggungjawabnya di bawah Perjanjian ini,

dan Syarikat mengambil maklum bahawa Kerajaan telah memasuki Perjanjian ini berdasarkan representasi dan waranti di atas.

21.2. Syarikat selanjutnya membuat representasi dan waranti kepada Kerajaan bahawa representasi dan waranti yang dinyatakan di **Klausula 21.1** di atas hendaklah kekal benar dan tepat dalam semua aspek material sepanjang Tempoh Perjanjian.

22. OBLIGASI KERAJAAN

22.1 Kerajaan bersetuju dengan Syarikat seperti yang berikut:

- (a) membuat bayaran seperti yang dipersetujui dalam Perjanjian ini selaras dengan **Klausula 6**;

- (b) membenarkan Syarikat dan ejen-ejennya masuk ke dalam kawasan bekalan bagi tujuan melaksanakan Perkhidmatan dalam tempoh yang ditetapkan;
- (c) melantik beberapa orang pegawai sebagai Penyelia Kerajaan bagi tujuan—
 - (i) menyelia dan memantau Perkhidmatan yang diberikan oleh Syarikat;
 - (ii) memberi apa-apa arahan yang berkaitan dengan pelaksanaan Perjanjian ini kepada Syarikat dari semasa ke semasa; dan
 - (iii) memperakui dan mengesahkan Perkhidmatan telah diberi dengan sempurna dan telah dilaksanakan oleh Syarikat selaras dengan Perjanjian ini;

23. TOLAKAN (*SET OFF*)

23.1 Kerajaan berhak memotong apa-apa wang yang kena dibayar kepada Syarikat mengikut peruntukan dalam Perjanjian ini daripada apa-apa wang yang Syarikat berhutang kepada Kerajaan sekiranya:

- (a) Syarikat gagal membekalkan alat tulis mengikut jenis, kuantiti dan spesifikasi seperti yang di **Jadual 1**;
- (b) Syarikat gagal menyerahkan bekalan alat tulis mengikut tempoh masa yang ditetapkan;
- (c) Syarikat gagal menggantikan alat tulis yang rosak;
- (d) Syarikat gagal mengalihkan alat tulis yang rosak dari premis Kerajaan;

23.2 Jika wang yang Syarikat berhutang kepada Kerajaan tidak mencukupi bagi menampung tuntutan Kerajaan, Kerajaan boleh menuntut secara bertulis baki wang tersebut daripada Syarikat dan Syarikat hendaklah membuat pembayaran selewat-lewatnya tiga puluh (30) hari selepas menerima tuntutan bertulis itu.

23.2 Sekiranya Syarikat gagal membuat pembayaran selepas tamat tempoh seperti yang dinyatakan dalam **Klausula 23.1** di atas atau apa-apa tempoh lain yang diberikan oleh Kerajaan, maka Kerajaan boleh mengambil apa-apa tindakan undang-undang pada bila-bila masa tanpa memberi notis terlebih dahulu kepada Syarikat.

24. PENAMATAN PERJANJIAN

24.1 Penamatan oleh Kerajaan

24.1.1 Sekiranya Syarikat –

- (a) gagal untuk mematuhi, melaksanakan atau melanggar mana-mana terma atau syarat Perjanjian ini;
- (b) gagal untuk melaksanakan Perkhidmatan dengan sempurna dan memuaskan hati Kerajaan serta tidak mengikut mana-mana terma atau syarat Perjanjian ini;
- (c) menggantung pelaksanaan mana-mana bahagian atau keseluruhan Perkhidmatan tanpa alasan munasabah; atau
- (d) gagal mematuhi sebarang arahan atau permohonan Kerajaan tanpa alasan-alasan munasabah,

maka Kerajaan berhak untuk memberikan notis secara bertulis kepada Syarikat (selepas ini dirujuk sebagai “Notis Kemungkinan”) menyatakan

kemungkiran yang berlaku dan mengkehendaki Syarikat untuk meremedikan kemungkiran tersebut dalam tempoh masa yang ditetapkan dalam Notis Kemungkiran tersebut (selepas ini dirujuk sebagai “Tempoh Remedi”).

24.1.2 Jika Syarikat gagal untuk mengambil tindakan untuk meremedikan kemungkiran tersebut dalam Tempoh Remedi atau mana-mana tempoh lain yang dipersetujui oleh Kerajaan, maka Kerajaan boleh menamatkan Perjanjian ini secara serta merta dengan memberikan notis bertulis kepada Syarikat (“Notis Penamatan”).

24.1.3 Kerajaan juga berhak menamatkan Perjanjian ini secara serta merta dengan memberikan notis penamatan kepada Syarikat sekiranya:

- (a) Mahkamah membuat suatu perintah atau suatu ketetapan diluluskan bahawa Syarikat itu digulung (bukan suatu penggulungan bagi maksud penyusunan atau penyatuan);
- (b) Syarikat pada bila-bila masa menjadi bankrap atau satu pemiutang melantik seorang penerima atau pengurus bagi pihak seseorang pemiutang dilantik bagi menguruskan aset Syarikat;
- (c) Syarikat membuat sesuatu pindah hak atau serah hak bagi faedah pemiutang atau membuat sesuatu penyelesaian atau perkiraan dengan atau bagi faedah pemiutang atau tidak berupaya menyelesaikan hutang;
- (d) tindakan dikenakan ke atas sebahagian besar aset Syarikat, melainkan Syarikat telah mengambil langkah dengan suci hati bagi mengeneipkan tindakan tersebut;

- (e) pendaftaran Syarikat dengan Kementerian Kewangan sebagai pembekal kepada Kerajaan telah dibatalkan atau tidak diperbaharui;

24.2 Kesan-kesan Penamatan oleh Kerajaan

.24.2.1 Apabila Perjanjian ini ditamatkan mengikut **Klausu 24.1**,

(a) Kerajaan –

(i) berhak menuntut daripada Syarikat ganti rugi, kerugian kos dan perbelanjaan (termasuk apa-apa kos dan perbelanjaan sampingan) yang ditanggung oleh Kerajaan akibat penamatan Perjanjian ini;

(ii) berhak merampas keseluruhan atau sebahagian Bon Pelaksanaan;

PPUUNS:

Klausu ini hanya perlu dimasukkan sekiranya perjanjian ini mengandungi Klausu Bon Pelaksanaan

(iii) berhak mendapatkan Perkhidmatan atau apa-apa bahagian darinya daripada lain-lain punca dan Syarikat hendaklah menanggung kos dan perbelanjaan yang ditanggung oleh Kerajaan bagi meneruskan Perkhidmatan; dan

(iv) tertakluk kepada apa-apa tolakan yang dibenarkan di bawah **Klausu 23**, hendaklah membayar kepada Syarikat apa-apa pembayaran bagi Perkhidmatan yang perlu dibayar dan terakru di bawah Perjanjian ini setakat pada tarikh Notis Penamatan Perjanjian.

- (b) Syarikat hendaklah –
- (i) serta-merta menghentikan Perkhidmatan dan semua kuasa, obligasi dan hak yang diberikan kepada Syarikat dan wujud di bawah Perjanjian ini hendaklah tamat dengan serta-merta;
 - (ii) memasuki Premis untuk mengalih dan mengambil mana-mana kelengkapan atau harta kepunyaan Syarikat atas kos dan perbelanjaan Syarikat sendiri; dan
 - (iii) mengemukakan kepada Kerajaan laporan terperinci berhubung dengan bayaran Perkhidmatan dan lain-lain pembayaran yang tertunggak daripada Kerajaan (sekiranya ada) setakat pada tarikh Notis Penamatan Perjanjian untuk tujuan kelulusan dan pengesahan daripada Kerajaan.

24.2.2. Kedua-dua pihak bersetuju jika Perjanjian ditamatkan di bawah **Klausu 24.1**, Syarikat tidak berhak kepada apa-apa bentuk kerugian termasuk kerugian perolehan pendapatan, pampasan, ganti rugi, kos, perbelanjaan dan sebagainya selain dari yang diperuntukkan mengikut **Klausu 24.2.1(d)**. Pihak-pihak selanjutnya bersetuju bahawa pembayaran oleh Kerajaan menurut **Klausu 24.2.1(d)** adalah terjumlah kepada suatu penyelesaian penuh dan muktamad antara Pihak-Pihak.

24.3 Penamatan oleh Syarikat

24.3.1 Syarikat berhak menamatkan Perjanjian ini jika –

- (a) Kerajaan tanpa sebab yang munasabah gagal untuk membuat Bayaran kepada Syarikat dalam tempoh masa yang ditetapkan; atau
- (b) Kerajaan tanpa sebab yang munasabah gagal untuk melaksanakan atau memenuhi mana-mana obligasinya yang secara langsung menjejaskan obligasi Syarikat di bawah Perjanjian ini.

24.3.2. Jika keadaan yang dinyatakan di bawah **Klausu 24.3.1** berlaku, maka Syarikat boleh memberikan notis secara bertulis yang memaklumkan keingkaran tersebut kepada Kerajaan dan mengkehendaki Kerajaan meremedikan kemungkiran yang berlaku dalam tempoh tiga puluh (30) hari selepas tarikh penerimaan notis atau mana-mana tempoh yang dipersetujui oleh PihakPihak.

24.3.3. Jika keadaan di bawah **Klausu 24.3.1** masih berterusan selepas tempoh yang ditetapkan atau tempoh lain yang dipersetujui oleh Pihak-Pihak, maka Syarikat boleh menamatkan Perjanjian ini dengan memberikan Notis Penamatan kepada Kerajaan.

24.4. Kesan Penamatan oleh Syarikat

24.4.1. Apabila Perjanjian ini ditamatkan mengikut **Klausu 24.3** –

- (a) Syarikat hendaklah serta-merta menghentikan Perkhidmatan dan semua kuasa, obligasi dan hak yang diberikan kepada

Syarikat dan wujud di bawah Perjanjian ini hendaklah tamat dengan serta-merta;

- (b) Syarikat hendaklah memasuki Premis untuk mengalih dan mengambil mana-mana kelengkapan atau harta kepunyaan Syarikat atas kos dan perbelanjaan Syarikat sendiri;
- (c) Syarikat hendaklah mengemukakan kepada Kerajaan laporan terperinci berhubung dengan Bayaran Perkhidmatan dan lain-lain pembayaran yang tertunggak daripada Kerajaan (sekiranya ada) setakat pada tarikh Notis Penamatan Perjanjian untuk tujuan kelulusan dan pengesahan daripada Kerajaan; dan
- (d) tertakluk kepada apa-apa tolakan yang dibenarkan di bawah **Klausu 23** bagi Perkhidmatan yang telah diberikan oleh Syarikat sehingga tarikh penamatan Perjanjian, Kerajaan hendaklah membayar kepada Syarikat apa-apa pembayaran bagi Perkhidmatan yang perlu dibayar dan terakru di bawah Perjanjian ini setakat pada tarikh Notis Penamatan Perjanjian.

24.4.2. Kedua-dua pihak bersetuju jika Perjanjian ditamatkan di bawah **Klausu 24.3**, Syarikat tidak berhak kepada apa-apa bentuk kerugian termasuk kerugian perolehan pendapatan, pampasan, ganti rugi, kos, perbelanjaan dan sebagainya selain dari yang diperuntukkan mengikut **Klausu 24.4.1(d)**. Pihak-pihak selanjutnya bersetuju bahawa pembayaran oleh Kerajaan menurut **Klausu 24.4.1(d)** adalah terjumlah kepada suatu penyelesaian penuh dan muktamad antara Pihak-Pihak.

25. PENAMATAN KERANA RASUAH, AKTIVITI HARAM, ATAU MENYALAH UNDANG-UNDANG

- 25.1. Tanpa menjejaskan apa-apa hak Kerajaan yang lain, jika Kerajaan berpuas hati bahawa Syarikat, prinsipal, personel atau pekerjanya disabitkan oleh mahkamah bagi perbuatan rasuah atau aktiviti haram atau menyalahi undang-undang berkaitan dengan Perjanjian ini atau mana-mana perjanjian lain yang dimasuki oleh Syarikat dengan Kerajaan, Kerajaan berhak untuk menamatkan Perjanjian ini dengan serta-merta dengan memberikan notis secara bertulis kepada Syarikat.
- 25.2. Jika Perjanjian ini ditamatkan mengikut **Klausu 25.1**, kesan-kesan penamatan mengikut **Klausu 24.2** adalah terpakai.

26. PENAMATAN ATAS KEPENTINGAN NEGARA, KESELAMATAN NEGARA ATAU POLISI KERAJAAN

- 26.1. Walau apa pun peruntukan dalam Perjanjian, Kerajaan boleh menamatkan Perjanjian ini dengan memberikan notis tidak kurang daripada tempoh tiga puluh (30) hari (tanpa sebarang obligasi untuk menyatakan sebabnya), jika Kerajaan berpandangan penamatan tersebut perlu atas sebab kepentingan negara, keselamatan negara, dasar Kerajaan atau dasar awam.
- 26.2. Bagi maksud Klausu ini, penentuan “Kepentingan Negara”, “Keselamatan Negara”, “Dasar Kerajaan” atau “Dasar Awam” hendaklah ditentukan oleh Kerajaan. Penentuan tersebut hendaklah bagi apa-apa tujuan dan niat, adalah muktamad dan tidak boleh dipertikaikan.
- 26.3. Jika Perjanjian ditamatkan mengikut **Klausu 26.1**, kesan-kesan penamatan mengikut **Klausu 24.4** adalah terpakai.

26.4. Pihak-Pihak bersetuju bahawa Syarikat tidak layak untuk menuntut apa-apa bentuk ganti rugi yang lain termasuk kerugian perolehan pendapatan, pampasan atau apa-apa tuntutan lain berbangkit daripada penamatan Perjanjian ini.

27. **“FORCE MAJEURE”**

27.1. Syarikat dan Kerajaan adalah tidak bertanggungjawab bagi sebarang ketinggalan atau kegagalan dalam menjalankan Perjanjian ini, jika ketinggalan atau kegagalan itu timbul daripada keadaan-keadaan *Force Majeure*. Dalam keadaan ini, yang menyebabkan mana-mana Pihak tidak dapat menyempurnakan Perjanjian ini, Perjanjian ini boleh ditamatkan dengan persetujuan Pihak-Pihak tanpa apa-apa pampasan. Kejadian *Force Majeure* hendaklah bermaksud:

- (a) peperangan (sama ada ia diisytiharkan atau tidak), pertempuran, penaklukan atau tindakan oleh musuh-musuh asing;
- (b) pemberontakan, revolusi, rampasan kuasa, perang saudara atau tindakan penganas;
- (c) bencana alam termasuk, tetapi tidak terhad kepada gempa bumi, banjir, kebakaran bawah tanah yang spontan, tsunami (ombak besar) atau apa-apa bencana alam yang secara munasabahnyanya seseorang yang berpengalaman tidak dijangka untuk mengambil langkah-langkah beringat-ingat;
- (a) letupan nuklear, pencemaran radioaktif atau bahan kimia atau radiasi;
- (b) tekanan gelombang yang disebabkan oleh kapal terbang atau apa-apa peranti aerial yang bergerak dalam kelajuan sonik atau supersonik;
- (f) rusuhan, kekecohan atau kekacauan awam; atau

- (g) sebab-sebab atau bahaya-bahaya yang lain yang di luar kawalan mana-mana Pihak.
- 27.2. Jika berlaku sesuatu kejadian *Force Majeure* yang menyebabkan mana-mana Pihak tidak dapat melaksanakan apa-apa obligasinya di bawah Perjanjian ini (atau mana-mana bahagian daripadanya) yang terjejas akibat daripada kejadian *Force Majeure* tersebut, Pihak tersebut hendaklah dengan serta-merta memaklumkan akan kejadian *Force Majeure* tersebut kepada Pihak yang satu lagi dan diikuti dengan butir-butir terperinci mengenai kejadian *Force Majeure* dan kesannya kepada pelaksanaan Perjanjian ini.
- 27.3. Mana-mana Pihak tidak boleh menggunakan mana-mana peruntukan dalam klausa ini jika Pihak-Pihak telah memutuskan secara munasabah bahawa satu kejadian *Force Majeure* tidak berlaku.
- 27.4. Syarikat hendaklah membuktikan bahawa kejadian *Force Majeure* betul-betul berlaku sebelum Syarikat dapat melepaskan tanggungjawabnya mengikut **Klausa 27.1**.
- 27.5. Jika Perjanjian ini ditamatkan di bawah **Klausa 27.1** di atas, semua hak dan obligasi Pihak-Pihak di bawah Perjanjian ini hendaklah terhenti dan mana-mana Pihak tidak boleh membuat apa-apa tuntutan terhadap Pihak yang satu lagi dan masing-masing tidak bertanggung terhadap satu sama lain melainkan berkaitan apa-apa hak dan liabiliti yang terakru sebelum berlakunya kejadian *Force Majeure* tersebut.
- 27.6. Bagi mengelakkan apa-apa keraguan, Pihak-Pihak kepada Perjanjian ini hendaklah terus melaksanakan obligasi masing-masing di bawah Perjanjian ini yang tidak terjejas, tertanggung atau terganggu oleh kejadian *Force Majeure* dan obligasi berkenaan hendaklah terus berkuat kuasa sementara menunggu pelaksanaan peruntukan klausa ini.

28. PENYELESAIAN PERTIKAIAN

- 28.1. Apa-apa hal, pertikaian, percanggahan atau persoalan yang timbul daripada atau berkenaan dengan Perjanjian ini (kecuali pertikaian atau perbezaan yang berbangkit daripada atau berkaitan dengan peruntukan **Klausu 25** dan **Klausu 26**) atau pelanggaran atau penamatannya dan ia tidak dipersetujui oleh Pihak-Pihak kepada Perjanjian ini hendaklah diselesaikan secara baik dan aman oleh Pihak-Pihak.
- 28.2. Jika hal, pertikaian, percanggahan atau persoalan tersebut tidak dapat diselesaikan secara baik dan aman oleh Pihak-Pihak, hal, pertikaian atau tuntutan tersebut bolehlah dirujuk kepada Jawatankuasa Penyelesaian Pertikaian yang terdiri daripada –
- (a) Pengarah / Ketua Jabatan atau mana-mana Pegawai yang dilantik olehnya sebagai Pengerusi;
 - (b) seorang (1) wakil yang dilantik oleh pihak Kerajaan; dan
 - (c) seorang (1) wakil yang dilantik oleh pihak Syarikat.
- 28.3. Jawatankuasa Penyelesaian Pertikaian boleh melantik seorang pakar bebas bagi memberi nasihat ke atas sebarang perkara yang dirujuk kepadanya dan segala kos, yuran dan perbelanjaan yang ditanggung oleh pakar bebas yang dilantik tersebut hendaklah dikongsi sama rata oleh kedua-dua Pihak.
- 28.4. Jawatankuasa Penyelesaian Pertikaian hendaklah menentukan prosedur-prosedurnya sendiri bagi Jawatankuasa Penyelesaian Pertikaian hendaklah berjumpa dan berusaha untuk mencapai jalan penyelesaian secara baik di antara Pihak-Pihak tentang perkara yang dirujuk kepadanya.

- 28.5. Jika sebarang perkara, pertikaian atau tuntutan yang dirujuk kepada Jawatankuasa Penyelesaian Pertikaian tidak dapat dipersetujui oleh kedua-dua Pihak dalam masa tiga puluh (30) hari selepas tarikh kes dirujuk, maka kedua-dua Pihak bolehlah merujuk perkara, pertikaian atau tuntutan tersebut kepada penimbang tara menurut peruntukan **Klausu 29**.
- 28.6. Setiap ahli Jawatankuasa Penyelesaian Pertikaian termasuk Pengerusi hendaklah mempunyai satu (1) undi.
- 28.7. Apa-apa keputusan yang diputuskan oleh Jawatankuasa Penyelesaian Pertikaian adalah muktamad dan hendaklah mengikat Pihak-Pihak kepada Perjanjian ini.

29. TIMBANG TARA

- 29.1. Jika berlaku apa-apa pertikaian, perbezaan, perkara atau tuntutan yang dinyatakan dalam **Klausu 28** di atas tidak dapat diselesaikan oleh Jawatankuasa Penyelesaian Pertikaian, maka pertikaian, perbezaan, perkara atau tuntutan itu hendaklah dirujuk kepada penimbang tara yang dipersetujui oleh pihak-pihak kepada perjanjian ini.
- 29.2. Sekiranya tiada persetujuan, penimbang tara hendaklah dilantik atas permohonan salah satu pihak kepada Perjanjian ini oleh Pengarah Pusat Timbang Tara Serantau di Kuala Lumpur dan apa-apa rujukan sedemikian hendaklah disifatkan sebagai pengemukaan kepada timbang tara mengikut pengertian Akta Timbang Tara 2005 [Akta 646]. Keputusan penimbang tara adalah muktamad dan mengikat Pihak-Pihak kepada Perjanjian ini.
- 29.3. Setiap timbang tara hendaklah didengar di Pusat Timbang Tara Serantau di Kuala Lumpur dengan menggunakan semua peraturan-peraturan, kemudahan dan sistem yang ada di Pusat Timbang Tara tersebut atau mana-mana tempat yang

akan ditentukan oleh penimbang tara dan dipersetujui oleh pihak-pihak yang terlibat.

- 29.4. Rujukan berkenaan apa-apa pertikaian, perbezaan, perkara atau tuntutan kepada timbang tara menurut **Klausu 29** ini dan/atau penerusan apa-apa prosiding timbang tara yang berbangkit daripada rujukan itu tidak, dengan apa-apa cara, bertindak sebagai penepian tanggungjawab Pihak-Pihak untuk melaksanakan obligasi mereka masing-masing di bawah Perjanjian ini.

30. TANGGUNG RUGI (INDEMNITI)

Syarikat hendaklah menanggung rugi Kerajaan, pekerjaannya dan agennya daripada dan terhadap segala tindakan, prosiding, kehilangan, kerugian, ganti rugi, pampasan, kos (termasuk kos undang-undang), caj dan perbelanjaan yang mungkin ditanggung oleh atau dikenakan ke atas Kerajaan bagi atau akibat kehilangan, kerosakan harta atau kecederaan diri yang berpunca daripada tindakan, kecuaiian atau ketidakjujuran Syarikat, agen atau mana-mana pekerja Syarikat.

31. NOTIS

- 31.1. Apa-apa notis, persetujuan, kebenaran, permohonan atau apa-apa komunikasi lain yang perlu diberi atau dibuat di bawah Perjanjian ini hendaklah dibuat secara bertulis dalam Bahasa Malaysia. Notis persetujuan, kebenaran atau permintaan itu hendaklah disifatkan sebagai telah diberi atau dibuat apabila ia telah disampaikan dengan tangan, pos atau faks kepada Pihak yang satu lagi kepada alamat yang ditetapkan seperti yang dinyatakan di bawah atau di alamat lain sebagaimana yang ditetapkan oleh mana-mana Pihak kepada Perjanjian ini dari masa ke semasa secara bertulis:

(a) bagi pihak Kerajaan;

[Redacted]

[alamat]

No. telefon : [Redacted]

No. faks : [Redacted]

(a) bagi pihak Syarikat:

Ketua Pegawai Eksekutif

Syarikat [Redacted] Sdn. Bhd

[Alamat [Redacted].Sdn. Bhd.]

No. telefon: [Redacted]

No. faks : [Redacted]

31.2. Pihak-pihak hendaklah memberi notis bertulis kepada Pihak yang satu lagi dalam masa empat belas (14) hari dari tarikh pertukaran alamat atau nombor faksimili jika berlaku pertukaran alamat yang dinyatakan **Klausu 21.1**.

32. PENEPIAN HAK

Kegagalan mana-mana Pihak untuk melaksanakan apa-apa hak, remedi atau peruntukan di bawah Perjanjian ini, pada bila-bila masa, tidak akan terjumlah kepada suatu penepian hak, melainkan jika ia telah dibuat secara bertulis dan ditandatangani oleh Kerajaan atau Syarikat atau seseorang yang diberi kuasa secara nyata oleh Kerajaan atau Syarikat untuk tujuan tersebut.

33. KONTRAK KECIL

- 33.1. Syarikat tidak boleh memberi kontrak kecil terhadap Perjanjian ini atau mana-mana bahagian Perjanjian ini kepada mana-mana pihak lain tanpa terlebih dahulu mendapat persetujuan bertulis daripada Kerajaan.
- 33.2. Jika Perjanjian ini atau mana-mana bahagian daripadanya diberi kontrak kecil kepada mana-mana pihak lain (kemudian daripada ini disebut sebagai “Kontraktor Kecil”) dengan persetujuan bertulis Kerajaan, Syarikat bersetuju tanpa syarat untuk terus bertanggungjawab secara berterusan dan secara sendiri dan peribadi bagi memastikan Kontraktor Kecil mematuhi terma dan syarat dalam Perjanjian ini.
- 33.3. Syarikat tidak boleh mempertanggungkan kepada pihak ketiga apa-apa jua daripada wang yang kena dibayar oleh Kerajaan di bawah Perjanjian ini dan apa-apa faedah yang terlibat dari atau mungkin terbit daripada Perjanjian ini dengan tidak terlebih dahulu mendapat kelulusan bertulis Kerajaan.
- 33.4. Sebarang isu yang timbul antara Syarikat dan Kontraktor Kecil mengenai Perjanjian ini atau hal-hal lain adalah di luar tanggungjawab Kerajaan.

34. SERAH HAK

Syarikat tidak boleh menyerahkan hak Perjanjian ini atau mana-mana bahagian Perjanjian ini atau menggadai janji, menggadai atau mempertanggungkan apa-apa jua daripada wang yang kena dibayar atau yang telah genap masanya untuk dibayar di bawah Perjanjian ini dan apa-apa faedah yang terlibat dengan atau yang mungkin terbit daripada Perjanjian ini tanpa terlebih dahulu mendapat kelulusan bertulis daripada Kerajaan.

35. KOS DAN DUTI SETEM

Apa-apa kos dan duti setem yang harus dibayar berkenaan dengan Perjanjian ini hendaklah ditanggung oleh Syarikat.

36. PEMAKAIAN DAN PEMATUHAN UNDANG-UNDANG

36.1. Perjanjian ini hendaklah ditafsirkan mengikut dan dikawal oleh undang-undang Malaysia dan Pihak-Pihak bersetuju untuk tertakluk kepada bidang kuasa mahkamah-mahkamah di Malaysia.

36.2. Syarikat hendaklah mematuhi segala peruntukan undang-undang yang berkuat kuasa, arahan, perintah atau kehendak yang dikeluarkan oleh pihak berkuasa yang kompeten untuk berbuat demikian di bawah mana-mana peruntukan undang-undang yang berkuat kuasa di Malaysia.

36.3. Syarikat hendaklah memastikan pekerja dan mana-mana Kontraktor Kecil yang dilantik di bawah **Klausu 33** turut mematuhi segala peruntukan undang-undang yang berkuat kuasa, arahan, perintah atau kehendak yang dikeluarkan oleh pihak berkuasa yang kompeten untuk berbuat demikian di bawah mana-mana peruntukan undang-undang yang berkuat kuasa di Malaysia.

37. PINDAAN

Sebarang pindaan, tambahan atau perubahan kepada Perjanjian ini hendaklah dibuat secara bertulis melalui suatu Perjanjian Tambahan dan ditandatangani oleh kedua-dua Pihak.

38. KERAHSIAAN

- 38.1. Syarikat tidak boleh menzahirkan kepada mana-mana orang atau mana-mana pihak apa-apa maklumat yang ditemuinya atau yang dizahirkan kepadanya bagi maksud pelaksanaan Perjanjian ini antara Pihak-Pihak.
- 38.2. **Klausu 38.1** hendaklah terus berkuat kuasa walaupun setelah Perjanjian ini ditamatkan atas apa-apa sebab sekalipun.

39. MASA

Masa hendaklah menjadi intipati kepada Perjanjian ini.

40. IKATAN PERJANJIAN

Perjanjian ini hendaklah mengikat ejen-ejen, wasi-wasi, pentadbir-pentadbir, pengganti-pengganti dan penerima pindah hak milik Syarikat.

41. IKLAN

Syarikat tidak boleh menyiarkan iklan mengenai Perjanjian ini di dalam sebarang akhbar, majalah atau lain-lain media tanpa mendapat kelulusan bertulis daripada Kerajaan

42. DOKUMEN PERJANJIAN

Jadual kepada Perjanjian ini hendaklah dibaca dan ditafsirkan sebagai sebahagian yang penting kepada Perjanjian ini.

43. KEBOLEHASINGAN

Jika mana-mana klausa atau bahagian dalam Perjanjian ini didapati menyalahi undang-undang, tidak sah atau tidak boleh dikuat kuasakan di bawah undang-undang, klausa tersebut hendaklah diasingkan sepenuhnya dan Perjanjian ini hendaklah ditafsir dan dikuat kuasakan seolah-olah klausa yang menyalahi undang-undang, tidak sah atau tidak boleh dikuat kuasakan tersebut tidak pernah terkandung sebagai daripada Perjanjian ini dan klausa-klausa lain hendaklah kekal berkuat kuasa sepenuhnya dan mempunyai kesan seolah-olah Perjanjian ini telah diikat tanpa klausa yang menyalahi undang-undang, tidak sah atau tidak boleh dikuat kuasakan tersebut.

44. KESELURUHAN PERJANJIAN

Perjanjian ini mengandungi keseluruhan persetujuan dan persefahaman di antara Pihak-Pihak berkenaan dengan Perkhidmatan dan mengatasi serta membatalkan keseluruhan mana-mana perjanjian, kontrak, representasi, persetujuan, surat rundingan, persefahaman, syarat-syarat dan terma-terma terdahulu sebelum Perjanjian ini berkuat kuasa sama ada secara langsung atau tidak langsung, di antara Pihak-Pihak terhadap atau berkaitan dengan Perkhidmatan atau perkara-perkara yang melibatkan Perkhidmatan dalam Perjanjian ini.

(Bahagian bawah muka surat ini sengaja ditinggalkan kosong)

PADA MENYAKSIKAN PERJANJIAN, Pihak-Pihak kepada Perjanjian ini telah menurunkan tandatangan dan meteri mereka pada hari dan tahun mula-mula yang tertulis di atas.

Ditandatangani oleh:)
untuk dan bagi pihak)
KERAJAAN NEGERI SEMBILAN)

di hadapan:)
)
)
)

Meterai Rasmi)
SYARIKAT.....SDN. BHD.)
(No. Syarikat:)

telah diturunkan)
di hadapan:)
)
)

.....
(Pengarah)

.....
(Pengarah/ Setiausaha Syarikat)

LAMPIRAN A

SIJIL PENDAFTARAN PERTUBUHAN

LAMPIRAN B
SURAT SETUJU TERIMA

JADUAL 1
SPESIFIKASI ALAT TULIS

Berikut adalah spesifikasi alat tulis yang diperlukan oleh

BIL	JENIS ALAT TULIS	ANGGARAN KUANTITI
	Pensil	
	Pen	
	Pemadam pensil	
	Pembaris	
	Puncher	
	Stamp pad	

PPUUNS:

1. Senarai di atas hanya merupakan panduan sahaja.
2. Senarai alat tulis hendaklah disesuaikan mengikut keperluan dan kesesuaian Jabatan masing-masing.

JADUAL 2 PREMIS

Penghantaran bekalan hendaklah termasuk kos penghantaran ke alamat berikut:

PPUUNS

1. Senarai Premis hendaklah disesuaikan mengikut keperluan Jabatan masing-masing.
2. Sebagai contoh, bagi Jabatan yang melantik syarikat yang sama bagi membekalkan alat tulis di beberapa premis lain dalam zon yang sama, senarai premis boleh ditetapkan dalam Jadual.
3. Walau bagaimanapun, bagi Jabatan yang hanya memerlukan perkhidmatan bekalan alat tulis di satu premis sahaja, alamat premis tersebut boleh diperuntukkan dalam klausa tafsiran Premis sahaja (Klausa 1.1).

JADUAL 3
BAYARAN HARGA BAGI ALAT TULIS

Bil	Nama Item	Kuantiti (unit)	Harga Seunit (RM)	Jumlah Harga (RM)